

42
29. febr.

JARÐRÆKTARSAMÞYKKT

fyrir Ræktunarsamband Svarfdæla.

Búnaðarfélag Svarfdæla og Búnaðarfélag Dalvíkur mynda félag, er nefnist Ræktunarsamband Svarfdæla, og gera á grundvelli laga nr. 7 frá 12. jan. 1945 svofellda jarðræktarsamþykkt:

1. gr.

Tilgangur félagsins er:

1. Að ræsa fram land til túnræktar, garðræktar, engjaræktar og beitiræktar.
2. Að framkvæma jarðvinnslu á tünnum jarða á félagssvæðinu, sem ekki eru véltæk.
3. Að taka að sér jarðvinnslu til nýræktar túna eða garða.
4. Að framkvæma sléttun engja, svo þær verði véltækar.

Allt þetta skal framkvæmt eftir fyrirmælum hlutaðeigandi héraðsráðunauts eða trúnaðarmanns, sem Búnaðarfélag Íslands samþykkir.

2. gr.

Stjórn Ræktunarsambandsins skal skipuð 5 mönnum, þrír skulu kosnir af Búnaðarfélagi Svarfdæla og tveir af Búnaðarfélagi Dalvíkurhrepps, til eins árs í senn. Þó getur enginn skorazt undan kosningu þrjú ár í röð.

Stjórnin skiptir sjálf með sér störfum.

Varastjórn skal skipuð jafnmörgum mönnum, kosnum á sama hátt til jafnlangs tíma.

3. gr.

Stjórnin annast allar framkvæmdir.

Um kaup á vélum og áhöldum skal hafa samráð við vélaneftnd ríkisins.

Skýlt er að tryggja vélar og áhöld fyrir því verði, sem álizt hæfilegt á hverjum tíma.

4. gr.

Stjórnir búnaðarfélaganna skulu safna og skrá verkbeiðnir félagsmanna sinna og skal því lokið fyrir janúarmánaðarlok ár hvert.

Skýrslum þessum skal skila til ræktunarsambandsins fyrir aðalfund þess. — Heimilt er stjórninni, ef hún telur þess þörf, að krefjast ábyrgðar, sem hún tekur gilda, á vinnukostnaði.

5. gr.

Að fengnum verkbeiðnum skal gera áætlun um framkvæmdir á árinu. Skal þess þá sérstaklega gætt:

1. Að þær jarðir, sem minnst véltækt land hafa, sitji fyrir vinnu, eftir því sem við verður komið, án þess að valda óhæfilegum aukakostnaði í flutningi véla og verkfæra.
2. Að tünasléttun sé að öðru jöfnu látin sitja fyrir öðrum ræktunarframkvæmdum.
3. Að land það, sem brjóta á til ræktunar, hafi verið ræst fram á fullnægjandi hátt, að dómi héraðsráðunauts.
4. Að framræsla bithaga komi að jafnaði því aðeins til greina, að fullnægt hafi verið öðrum framræslu- og jarðvinnsluverkefnum, svo að því marki verði náð, að allur heyskapur verði tekinn á vélfæru landi.

6. gr.

Kostnaður við framkvæmdir þær, er í samþykkt þessari getur, greiðist af verkkaupendum. Heimilt er stjórninni að láta greiðslu fara fram eftir áætlun meðan verkið stendur yfir, en fullnaðargreiðsla sé byggð á reikningum í árslok.

42

29. febr.

7. gr.

Til ræktunarkostnaðar telst greiðsla vinnulauna, viðhald og geymslukostnaður véla, kostnaður við flutning véla og verkfæra milli vinnustaða, fyrningargjald, vextir og afborganir lána og stjórnarkostnaður.

Heimilt er stjórninni að leggja á framkvæmdakostnað áhættuþóknun, er nemi allt að 5% af heildarkostnaði ár hvert.

8. gr.

Heimilt er stjórninni að láta vinna að öðrum verkefnum en að framan greinir, ef hagkvæmt þykir, enda brjóti það ekki í bága við hagsmuni félagsmanna.

9. gr.

Ræktunarsambandið myndar stofnsjóð að upphæð kr. 100000.00 — eitt hundrað þúsund krónur — til vélakaupa.

Tekjur stofnsjóðsins eru:

- a. Helmingur stofnfjárins er framlag Framkvæmdasjóðs ríkisins samkv. 9. gr. laga um jarðræktar- og húsagerðarsamþykktir í sveitum frá 12. jan. 1948, jafnóðum og það greiðist sem styrkur til vélakaupa sambandsins.
- b. Einn fjórði hluti óafturkræft framlag frá búnaðarfélögum, er greiðist að $\frac{3}{4}$ af Búnaðarfélagi Svarfdæla og $\frac{1}{4}$ af Búnaðarfélagi Dalvíkurhrepps.
- c. Einn fjórði hluti stofnfjárlán, er tryggt sé með ábyrgð búnaðarfélaganna og endurgreiðist það innan 5 ára.
- d. Enn fremur leggst í stofnsjóð rekstursafgangur af áhættuþóknun, svo og ágóði ef verður af ákvæðisvinnu.
- e. Vaxtatekjur og aðrar tekjur, er til sjóðsins kunna að falla.

10. gr.

Komi í ljós að álitu stjórnar ræktunarsambandsins, að auka þurfi stofnsjóð, skal stjórnin senda tillögur sínar um stofnfjárukningu til hreppabúnaðarféлага á svæðinu, og ber þeim að leggja tillögurnar fyrir almennan fund í félagum til samþykktar. Að fenginni meirihlutasamþykkt í hlutaðeigandi búnaðarfélagum skal til-lagan borin upp á aðalfundi ræktunarsambandsins, og verði hún samþykkt þar með meira en $\frac{2}{3}$ atkvæða, er hún bindandi fyrir hreppabúnaðarfélagin.

11. gr.

Heimilt er stjórninni að taka reksturslán gegn tryggingu á þeim jarðræktarstyrk, er á umbæturnar verður greiddur úr ríkissjóði.

12. gr.

Aðalfundur skal haldinn eigi síðar en 15. marz ár hvert. Þar skulu endurskoðaðir reikningar lagðir fram til samþykktar.

Á fundinum skal lögð fram skýrsla um starfsemina á síðastliðnu ári og rædd framtíðarverkefni.

Fundurinn er lögmaður, ef hann er boðaður með 10 daga fyrirvara.

42

29. febr.

Reikningsár sambandsins er almanaksárið. Endurskoðendur séu tveir, kjörnir sinn frá hvoru búnaðarfélagi til þriggja ára í senn. Varaendurskoðendur skal kjósa á sama hátt og til sama tíma.

13. gr.

Tillögur, er fram kunna að koma til breytinga á samþykkt þessari frá hreppabúnaðarfélögum eða framkvæmdastjórn, skulu sendar hreppabúnaðarfélagunum, er að samþykkt standa, til umsagnar. Þær skulu síðan lagðar fyrir aðalfund ræktunarsambandsins, enda sé þess getið í fundarboði. Samþykki löglegur aðalfundur breytingarnar með að minnsta kosti $\frac{2}{3}$ atkvæðisbærra fundarmanna, skal stjórn sambandsins senda breytingarnar Búnaðarfélagi Íslands, er leitar staðfestingar landbúnaðarráðherra á þeim.

14. gr.

Samþykkt þessa má því aðeins nema úr gildi, að $\frac{2}{3}$ fundarmanna á lögmætum aðalfundi samþykki það, enda komi samþykki landbúnaðarráðherra til. Verði samþykktirnar felldar úr gildi, skiptist stofnsjóður og fyrningarsjóður á milli búnaðarfélaganna í sömu hlutföllum og framlag þeirra í stofnsjóð.

15. gr.

Með brot á samþykkt þessari skal farið sem almenn lögglumál.

16. gr.

Samþykkt þessi gengur í gildi, er hún hefur verið staðfest af landbúnaðarráðherra. Jafnframt því er úr gildi numin jarðræktarsamþykkt nr. 173 frá 11. sept. 1947 fyrir Búnaðarfélag Svarfdæla.

Samþykkt þessi, sem er sett samkvæmt lögum nr. 7 12. janúar 1945, um jarðræktar- og húsagerðarsamþykktir í sveitum, og reglugerð um jarðræktarsamþykktir frá 20. febrúar 1946, staðfestist hér með til að öðlast gildi þegar í stað, og birtist til eftirbreytni öllum þeim, er hlut eiga að máli.

Landbúnaðarráðuneytið, 29. febrúar 1952.

Hermann Jónasson.

Árni G. Eylands.

43

6. marz

G J A L D S K R Á

fyrir Rafveitu Gerðahrepps.

I. RAFORKA

Rafveita Gerðahrepps selur raforku á þann hátt og við því verði, sem hér segir:

A. Lýsing.

1. Um kwst.mæli á kr. 1.80 hver kwst.
2. Um kwst.mæli á kr. 0.70 hver kwst., auk fastagjalds, er nemi kr. 7.75 á ári af hverjum fermetra gólfflatar í rúmi því, er lýsa skal. Fullt fermetragjald skal greiða af gólfleti í búðum, vinnustofum og skrifstofum, en fyrir geymslur og ganga skal greiða kr. 2.50 á ári af fermetra.